

渭南詩集卷第一

山陽 趙 嘏 承祐

汾一作江上宴別一作許渾詩



雲物如故鄉山川知異路一作異岐路年來未歸客馬上
春色一作欲暮一尊花下酒殘日水西樹不待管絃
終搖鞭背花去

書齋雪後

擁褐坐茅簷春晴喜初日微風入桃徑爽氣歸
集作生縹帙頻時苦風雪就景理巾櫛樹暖高鳥
來窻閑曙雲出鄉遙路難越道寒時易失欲靜

又不

集作未

能東山負芝朮

虎丘寺贈漁處士

蘭若雲深處前年客重過巖空秋色動水闊夕陽多早負江湖志今如鬢髮何唯思閑勝我釣艇在煙波

陪崔璞侍御和崔珣春日有懷

詩家本多感況值廣陵春暖駐含窻日香餘醉袖塵浮名皆有分一笑最關身自此容依託清才兩故人

昔昔鹽二十首

垂柳覆金堤

新年垂柳色嫋嫋對空閨不畏芳菲好自綠離別啼因風飄玉戶向日映金堤驛使何時度還將贈隴西

蘼蕪葉復齊

提筐紅葉下度日採蘼蕪掬翠香盈袖看花憶故夫葉齊誰復見風暖恨偏孤一被春光累容顏與昔殊

水溢芙蓉沼

淥沼春光後青青草色濃綺羅驚翡翠暗粉妬

芙蓉雲遍窻前見荷翻鏡裏逢將心託流水終日渺無從

花飛桃李蹊

遠期難可託桃李自依依花徑無容跡戎裘未下機隨風開又落度日掃還飛欲折枝枝贈那知歸不歸

採桑秦氏女

南陌採桑出誰知妾姓秦獨憐傾國貌不負早鶯春珠履盪花濕龍鈎折桂新使君那駐馬自有侍中人

織錦竇家妻

當年誰不羨分作竇家妻錦字行行苦羅帷日啼豈知登隴遠祇恨下機迷直候陽關使殷勤寄海西

關山別蕩子

那堪聞蕩子迢遞涉關山腸共馬嘶斷衣從淚滴斑愁看塞上路詎惜鏡中顏儻見征西鴈應傳一字還

風月守空閨

良人猶遠戍耿耿夜闌空繡戶流宵月羅帷坐

晚風魂飛沙帳北腸斷玉關中尚自無消息錦
衣那得同

恒斂千金笑

玉顏恒自斂羞出鏡臺前早感陽城客今悲華
錦筵從軍人更遠投喜鵲空傳夫婿交河北迢
迢路幾千

長垂雙玉啼

雙雙紅淚墮度日暗中啼鴈出居延北人猶遼
海西向燈垂玉枕對月洒金閨不惜羅衣濕惟
愁歸意迷

蟠龍隨鏡隱

鸞鏡無
照蛾眉豈忍看不知愁髮換空見隱
龍蟠那慙紅顏改偏傷白日殘今朝窺玉匣雙
淚落闌干

綵鳳逐帷低

巧繡雙飛鳳朝朝伴下帷春光那見照暮色已
頻欺欲倦思君處將啼裛淚時何年征戍客傳
語報佳期

驚魂同夜鵲

萬里無人見衆情難與論思君常入夢
鵲屢

驚魂孤寢紅羅帳雙啼玉筋痕妾心甘自保豈
復暫忘恩

倦寢聽晨雞

去去邊城騎愁眠掩夜闥披衣窺落月拭淚待
鳴雞不憤連年別那看長夜啼功成應自恨早
晚發遼西

暗牖懸蛛網

暗中蛛網織歷亂綺窓前萬里終無信一條徒
自懸分從珠露滴愁見隙風牽妾意何聊賴看
看劇斷絃

空梁落燕泥

春至今朝燕花時伴獨啼飛斜珠箔隔語近畫
梁低帷卷閑窺戶牀空暗落泥誰能長對此雙
去復雙棲

前年過代北

代北幾千里前年又復經燕山雲自合塞草
應青鐵馬喧鞞鼓蛾眉怨錦屏不知羌笛曲掩
淚若爲聽

今歲往遼西

萬里飛書至聞君已渡遼祇諳新別苦忘却舊

時嬌烽戍年將老紅顏日向彫
沙兼漢苑相望幾迢迢

一去無還意

良人征絕域一去不言還百戰攻
三冬阻玉關蕭蕭邊馬思獵獵戍旗閑獨抱千重恨連
年未解顏

那能惜馬蹄

雲中路杳杳江畔草淒淒妾久垂珠淚君何惜
馬蹄邊風悲曉角營月怨春輦未道休征戰愁
眉又復低

送韋處士歸省朔方

映柳見行色故山當落暉青雲知己歿白首
身歸滿袖蕭蕭關雨連沙塞鴈飛到家翻有喜借
取老萊衣

送權先輩歸覲信安

衣綵獨歸去一枝蘭更香馬嘶芳草渡門掩百
花塘野色亭臺晚灘聲枕簟涼小齋松島上重

葉覆

英華作
拂讀

書堂

英華
作床

風蟬

風蟬旦夕鳴伴夜送秋聲故里客歸盡水邊身

清辭詩集
獨行噪軒高樹合驚枕暮山橫聽處無人見塵埃滿甑生

重寄盧中丞

賤子來還去何人伴使君放歌迎晚醉指路上高雲此夜鴈初至空山雨獨聞別多頭欲白惆悵惜餘醺

曉發

旅行宜蚤發况復是南歸月影綠山盡鍾聲隔浦微星殘螢共映葉落鳥驚飛去去渡南渚村深人出稀

送友人鄭州歸覲

爲有趨庭戀應忘道路賒風消榮澤凍雨靜圃田沙古陌人來遠遙天鴈勢斜園林新到日春酒酌梨花

洛中逢盧郢石歸覲

不堪俱失意相送出東周綠切倚門戀倍添爲客愁春山和雪靜寒水帶冰流別後期君處靈原紫閣秋

贈越客

故國波濤隔明時心久留獻書雙闕晚看月五

澤南詩集
陵秋南棹何當返長江憶共遊定知釣魚伴相
望在汀洲

經無錫縣醉後吟

客過無名姓扁舟繫柳陰窮秋南國淚殘日故
鄉心京洛衣塵在江湖酒病深何須覓陶令乘
醉自橫琴

東歸道中二首

平生事行役今日始知非歲月老將至江湖春
未歸傳家有天爵主祭用儒衣何必勞知己無
名亦息機

未明喚僮僕江上憶殘春風雨落花夜山川驅
馬人星星一鏡髮草草百年身此日念前事滄
洲情更親

旅次商山

役役依山水何曾似問津斷崖如避馬芳樹欲
留人日夕猿鳥伴古今京洛塵一枝甘已失辜
負一作惆悵故園春

長洲

扁舟殊不繫浩蕩路纔分范蠡湖中樹吳王苑
外雲悲心人望月獨夜鴈離群明發還驅馬關

中見日曛

江邊

終日勞車馬江邊欵竹扉殘花春浪闊小酒故人稀
戍鼓客帆遠津雲夕照微何由兄與弟俱及暮春歸

宿靈巖寺即古吳宮

明月溪頭寺蟲聲滿橘洲倚欄香徑晚移石太湖秋古樹一作老樹又作樹老雲歸盡荒臺一作臺荒水更流無人見惆悵獨上最高樓

越中寺居

遲客踈林下斜溪小艇通野橋連寺月高竹半樓風水靜魚吹浪枝閑鳥下空數峯相向綠日夕郡城東

長安晚秋紀事作長安秋望

雲物淒涼才調集作清拂曙流漢家宮闕動高秋殘星幾點鴈橫塞長笛一聲人倚樓紫艷半開籬菊靜紅衣落盡渚蓮愁鱸魚正美不歸去空戴南冠學楚囚

齊安早秋

流年堪惜又堪驚砧杵風來滿郡城高鳥過時

秋色動征帆落處暮雲平思家正歎江南景聽
角仍含塞北情此日沾襟念岐路不知何處是
前程

東望

楚江

英華作練江

橫在草堂前楊柳洲西

一作邊

載酒船兩

見梨花歸不

一作不歸

得每逢寒食一潛

一作雲鳥即依

然斜陽

映閣山當寺微綠含風月

一作樹

滿川同郡故人攀

桂盡把詩吟向沈寥天

長安月夜與友人話故山

英華作舊山才調作故人

宅邊秋水浸

英華作舊

苔磯日日持竿去不歸楊柳風

多潮未落蒹葭霜冷

一作在

鴈初飛重嘶匹馬吟紅

葉却聽踈鍾憶翠微今夜秦城

一作關

滿樓

一作城

月故人相見一沾衣

題橫水驛雙峰院松

英華作橫水館雙松

故園溪上雪中別野

英華作幽

館門

一作枕

前雲外

英華作畔

逢白

髮漸多何事

一作自

苦清陰長在好相容

一作從

迎風幾

拂朝天騎

一作蓋

帶月猶含度嶺鍾更憶葛洪丹井

畔

一作側

數株臨水欲成龍

發剡中

武德中置嵯州

正懷何謝俯長流更覽餘封識嵯州樹色老依

官舍晚溪聲涼傍客衣秋南巖氣爽橫郭郭天
姥雲晴拂寺樓日暮不堪還上馬蓼花風起路
悠悠

登安陸西樓

樓上華筵日日開眼前人事祇堪哀征車自入
紅塵去遠水長穿綠樹來雲雨暗更歌舞伴山
川不盡別離杯無由併寫春風恨欲下郎城重
首回

九日陪越州元相燕龜山寺

佳晨何處泛花遊丞相筵開水上頭雙影旆搖

山雨霽一聲歌動

英華作晨

寺雲秋林光

一作花

靜帶高城

晚湖

一作水

色寒分半檻流共賀萬家逢此節可憐

風物似

一作滿

荊州

經漢武泉

芙蓉苑裏起清秋漢武泉聲落御溝他日江山
映蓬鬢二年楊柳別漁舟竹間駐馬題詩去物
外何人識醉遊盡把歸心付紅葉晚來隨水向
東流

曲江春望懷江南故人

杜若洲邊人未歸水寒煙暖想柴扉故園何處

風吹柳新才調集作一 鴈南來雪滿衣目極思隨原草
遍浪高書到海門稀此時愁望情多少萬里春
流遶釣磯

上令狐相公

鶚在卿雲冰在壺代天才業奉許謨榮同伊涉
傳朱戶秀比王商入畫圖昨夜星辰回劍履前
年風月滿江湖不知幾務時多暇猶許詩家屬
和無

憶山陽

家在枚臯舊宅邊竹軒晴與楚坡連芰荷香遶

垂鞭袖楊柳風橫弄笛船城礙十洲煙島路寺
臨千頃夕陽川可憐時節堪歸去花落猿啼又
一年

又品彙作寒食遣懷

折柳城一作磯邊起暮愁可憐春色獨懷憂一作羞傷心

正歎人間事回首更慚江上鷗鴟鳩聲中寒食
雨鼓吹作酒芙蓉花外夕陽樓憑高滿眼送清渭去傍

故山山下流

送僧歸廬山

禪棲忽憶五峰遊去著方袍謝列侯英華作花啟樓

臺千葉曙錫舍風雨一枝秋題詩片石侵雲在
洗鉢香泉覆菊流却憶前年別師處馬嘶殘月
虎溪頭

贈天卿寺神亮上人

師不下寺
已五年

五看春盡此江濱花自零風日自曛空有慈悲
隨物念已無蹤踪在人群迎秋日色簷前見入
夜鍾聲竹外聞笑指白蓮心自得世間煩惱是
浮雲

降虜

廣武溪頭降虜稀一聲寒角怨金微河湟不在

春風地歌舞空裁雪夜衣鐵馬半嘶邊草去狼
煙高映塞鴻飛楊雄尚白相如吃今日何人從
獵歸

平戎

時諫官論北未回
天德軍師請修備之

邊聲一夜殷秋輦牙帳連烽擁萬蹄武帝未能
忘塞北董生纜足使膠西冰橫曉渡兵合雪
滿窮沙漠騎迷自古平戎有良策將軍不用倚
雲梯

宿楚國寺有懷

風動衰荷寂寞香斷煙殘月共蒼蒼寒生晚寺

波搖壁一作碧紅墮踈林葉滿牀起鴈似驚南浦棹
陰雲欲護北樓霜江邊松菊荒應盡八月長安
夜正長

早發剡中石城寺

暫息勞生樹色間平明機慮又相關吟辭宿處
煙霞去一作古心負秋來水石閑竹戶半開鍾未絕
松枝靜霽鶴初還明朝一倍堪惆悵回首塵中
見此山

寄歸

三年踏盡化衣塵只見一作在長安不見春馬過雪

街天未曙鄉

才調集作客

迷關路

鼓吹作雲樹

淚空頻桃花塢

接啼猿寺

英華作樹

野竹庭通畫鷁津早晚相

一作粗

酬身

事了水邊歸去一閑人

獻淮南李相公

傳巖高靜見台星廟略當時討不庭萬里有雲
歸碧落百川無浪到滄溟軍中老將傳兵術江
上諸侯受政經聞道國人思再入鎔金新鑄鶴
儀形

宛陵寓居上沈大夫二首

滿耳歌謠滿眼山宛陵城郭翠微間人情已覺

春長在溪戶仍將水共閑曉色入樓紅藹藹夜
聲尋砌碧潺潺幽雲高鳥俱無事晚伴西峰醉
客還

溪樹參差綠可攀謝家雲水滿東山能忘天上
他年貴來結林中一日閑醉叩玉盤歌裊裊暖
鳴幽澗鳥關關觥籌不盡須歸去路在春風縹
渺間

淮信賀滕邁台州

凋瘵民思太古風上賢綏輯副宸衷
舟移清鏡禹祠北路轉翠屏天姥東
旌旆影前橫竹馬詠望中

下第寄宣城幕中諸公

一醉曾將萬事齊暫陪歡去便如泥
黃花李白墓前路一作草碧浪桓彝宅後溪
九月霜中隨計吏十年江上灌春畦
莫言春盡不惆悵自有閑眠到日西

送令狐郎中赴郢州

佐幕才多始拜侯一門清貴動神州
霜蹄曉駐秦雲斷野旆晴翻郢樹秋
幾處塵生隨候騎半

江帆盡見分流大馮罷相吟詩地莫惜頻登白
雪樓

送盧緘集作緘歸揚州

曾向雷塘寄掩扉荀家燈火有餘輝關河日暮
望空極楊柳渡頭人獨集作未歸隋苑荒臺風裏
裏灞陵殘雨夢依依今年春色還相悞為我江
邊謝釣磯

送李集無此字裴評事

塞垣從事識兵機只擬平戎不擬歸入夜笳聲
含白集作素髮報秋榆葉落征衣城臨集作連戰壘黃

雲晚馬渡寒沙夕照微此別集作別後不應書斷絕滿
天霜雪有鴻飛

別麻氏

曉哭呱呱集作鳴鳴動四鄰于君我作負心人出門便
涉東西路集作便作東西水回首初驚枕席塵滿眼淚珠和
語咽舊窻風月更誰親分集作傷離况值花時節從
此東風不似春

代人贈別

月自斜窻夢自驚衷腸中有萬愁生清猿處處
三聲盡碧落悠悠一水橫平子定情詞麗絕詩

人匪石誓分明會須攜手乘鸞去簫史樓臺在
玉京

寒食新豐別友人

一百五日家未歸新豐雞犬獨依依滿樓春色
旁人醉半夜雨聲前計非繚繞溝塍合綠鼓吹作景
晚荒涼樹石向川微東風吹淚對花落憔悴故
交相見稀

李侍御歸山同宿華嚴寺

家有青山近玉京風流柱史早知名園林手植
自合綠霄漢眼看當去程處處白雲迷駐馬家

家紅樹近流鶯相逢一宿最高寺夜夜翠微泉
一作松落聲

今年新先輩以過密之際每有一作月讌集

必資清談紀事作賀樂和侍郎

天上高高月桂叢分明二十一枝風滿懷春色
向人動遮路亂花迎馬紅鶴馭迴又苑作迴紀事作尚飄雲
雨外蘭亭紀事作堂不在管絃中居然自是前賢事何
必青樓倚翠空

自遣

晚樹踈蟬起別愁遠人回首憶滄州江連故國

無窮恨日帶殘雲一片秋
夕客轉諳時態薄多情
只共酒淹留到頭生長
煙霞者須向煙霞老
始休

浙東陪元相公遊雲門寺

松下山前一徑通
燭迎千騎滿山川集作
紅溪雲乍

斂幽一作高巖雨曉氣初高集作
大旆風小檻宴花容

客醉上方看竹與僧同
歸來吹盡嚴城角路轉

橫塘亂水東

陪韋中丞宴扈都頭花園一作楚州宴花樓

門下集作外煙橫載酒船
謝家集作公攜客醉華筵
尋

花偶坐將軍樹飲水方
重刺史天幾曲一作處
艷歌

春色裏斷集作數行高鳥
暮雲邊分明聽得與人

語願及行春更一年

花園即事呈常中丞集作侍郎

煙暖池塘柳覆臺
百花園裏看花來
燒衣炤席

三千樹破鼻醒愁一萬盃
不肯為歌隨拍落却

因令舞帶香迴山公仰爾延集作留
賓客好傍春風

集作城次第開

宿何書記先輩延福新居

松下有琴閑未收
一燈高為石集作桂
叢留詩情似

到山家夜樹色輕含御水秋小榼提攜終集作永
日半斑集作容鬢漫生愁因君撫掌問時俗紫閣
堆簷不舉頭

秦中逢王處士

萬水東流去不迴先生獨自負仙才
禁宮橫浪海邊別鶴翅駐雲天上來
幾處吹簫森羽衛誰家殘月下樓臺
春風正好分瓊液乞取當時白玉杯

江上逢許逸人

是非處處生塵埃唯君襟抱無嫌猜
收帆依鴈是浦宿帶雨別僧衡嶽迴
芳罇稍駐落日唱醉袖更拂長雲開
清秋華髮好相似却把釣竿歸去來

和令狐補闕春日獨遊西街

左掖初辭近侍班馬嘶尋得過街閑
映鞭柳色微遮水隨一作步花枝欲礙山
暖泛烏聲來席上醉從詩句落人間
此時失意哀吟客更覺風流不可攀

廣陵苔崔琛

棹倚隋家舊院墻柳金梅雪撲簷
香朱樓日

重重晚碧水含光
灩灩長八斗已聞傳姓字
一枝何足計行藏
聲名官職應前定
且把旌麾一作紅旌
入醉鄉

荅友人

詩家才子酒家仙
遊宦曾依積水邊
窻戶動搖三島樹
琴樽安穩五湖船
羅浮道士分瓊液
錦席佳人艷楚蓮
今日相逢朗吟罷
滿城砧杵一燈前

送張又新除温州

東晉江山稱永嘉
莫辭紅旆向天涯
凝絃夜醉

松亭月歇馬曉尋
溪寺花地與剡川
分水石境將蓬島
共煙霞却愁明詔徵
非晚不得秋來集作

乘秋見海槎

送滕邁郎中赴睦州

郡齋秋盡一江橫
頻命郎官地更清
星月去隨新詔動
旌旗遙映故山明
詩尋片石依依晚
帆掛孤雲杳杳輕
想到釣臺逢竹馬
只應歌詠伴猿聲

送剡客

兩重江外片帆斜
數里林塘遶一家
門掩右軍

餘水石路橫諸謝舊煙霞扁舟幾處逢溪雪長
笛何人怨一作思柳花若到一作到天台洞陽觀葛洪丹
井一作竈在雲涯

李先輩擢第東歸有贈送

金榜前頭無是非平人分得一枝歸正憐日暖
雲飄路何處宴迴風滿衣門掩長淮心更遠渡
連芳草馬如飛茂陵自笑猶多病空有書齋在
翠微

送同年鄭祥先輩歸漢南

時恩門相
公鎮山南

年來驚喜兩心知高處同攀次第枝人倚繡屏

閑賞夜馬嘶花徑醉歸時聲名本一作自文章得
蕃闈一作潤曾勞筆硯隨家去恩門四千里只應從
此夢旌旗

送沈卓作尉江都

一作許渾詩

煬帝都城春水邊笙歌夜上木蘭船三千宮女
自塗地十萬人家如洞天焰焰花枝官舍晚重
重雲影寺墻連少年作尉須矜慎莫向樓前墜
馬鞭

送李蘊赴鄭州因獻盧郎中

又玄集
作中丞

僕射陂西想到一作別時滿川晴色見旌旗馬融閑

卧笛聲遠王粲醉吟樓影移幾日賦詩秋水寺
經年草詔一作起草白雲司唯君此去人多羨却是恩
深自不知

送韓絳歸淮南寄韓綽先輩

島上花枝繫釣船隋家宮畔水連天江帆自落
鳥飛外月觀靜依春色邊門巷草生車轍在朝
廷恩及鴈行聯相逢且一作莫問昭一作揚州事曾鼓莊

盆對逝川

送薛眈先輩歸謁漢南

雲繞千峰驛路長謝家聯句待檀郎手持碧落

新攀桂月在東軒舊選牀幾日旌幢延駿馬到
時冰玉動華堂孔門多少風流處不遣顏回識
醉鄉

送陳嘏登第作尉歸覲

千峯歸去舊林塘溪縣門前即故鄉曾把桂誇
春里巷重憐身稱錦衣裳洲迷翠羽雲遮檻露
濕紅蕉月滿廊就養舉朝人共羨清資讓却校
書郎

送裴延翰下第歸覲滁州

失意何曾恨解攜問安歸去秣陵西郡斜楊柳

春風岸山映樓臺明月溪江上詩書懸素業日
邊門戶倚丹梯一枝攀折回頭是莫向清秋惜
馬蹄

題崇聖寺簡雲端僧錄

暮塵飄盡客愁長來扣禪關月滿廊宋玉逢秋
空雪涕淨名無地可容床高雲覆檻千巖樹踈
磬含風一夜霜迴首故園紅葉外只將多病告
醫王

越中寺居寄上主人

野寺初容訪靜來晚晴江上見樓臺中林有路

到花盡一日無人

一作愁

看竹迴自曬詩書經雨後

別留門戶爲僧開苦心若是酬恩事不敢吟春
憶酒盃

早出洞仙觀

露濃如水洒蒼苔洞口煙蘿密不開殘月色低
當戶後曉鍾聲迴隔山來春生藥圃芝猶短夜
醮齋壇鶴未迴愁是獨尋歸路去人間步步是
塵埃

題昭應王明府溪亭

靖節何須彭澤逢菊洲松島水悠溶行人自折

門前柳高鳥不離溪畔峰曉渭度簷帆的的晚
原舍雨樹重重軒車過盡無公事枕上一聲長
樂鍾

贈王先生

太一真人隱翠霞早年曾降蔡經家羽衣使者
峭於鶴鳥爪侍娘飄若花九鼎欄干歸馬齒三
山窈窕步雲涯時因弟子偷靈藥散落人間駐
一作潤物華

贈道者

華蓋飄飄綠鬢翁往來朝謁紫珠宮幾年山下

陰陽鼎盡日澗邊桃李風野跡似雲無處著仙
容如水與誰同應憐有客外妻子思在長生二

顧一作諾中

王先生不別而去

仙翁歸袖拂煙霓一卷素書還獨攜劔藥滿囊
身不病抱琴何處鶴同棲沾衣盡日看山坐搔
首殘春向路迷樹樹白雲幽徑絕短船空倚武
陵溪

山陽盧明府以雙鶴寄遺白一作伯氏以詩

回英華答因寄和

緜山雙去羽翰輕應為仙家好弟兄茅固枕前
秋對舞陸雲溪上夜曾鳴紫泥封處曾回首碧
落歸時莫問程自笑滄江一漁叟何由似爾到
層城

贈李秘書

束帶臨一作隨風氣調新孔門才業獨誰倫杉松韻

冷一作靜雪溪暗鸞鶴勢高天路春美玉韞來休問

價芳枝攀去正無塵莫將芸閣經科第須作人

間一作詞場第一人

迴於道中寄舒州李珣相公

都無鄙吝隔塵埃昨日丘門避席來靜語乍臨
清廟瑟披風如在九層臺幾煩命妓浮溪棹再
一作每許論詩注酒杯從此微誠知感戀七真臺上

集作壇畔望三台

舒州獻李相公

野人留得五湖船丞相興歌郡國年醉筆倚風
飄澗雪靜襟披月坐樓天鶴歸華表山河在氣
返青雲雨露全聞說萬方思舊德一時傾望重

陶甄

成名年獻座主僕射兼呈同年

拂煙披月羽毛新千里初辭九陌塵曾失玄珠
求罔象不將雙耳負伶倫賈嵩詞賦相如手楊
乘歌篇李白身除却今年仙侶外堂堂又見兩
三春

抒懷上歙州盧中丞宣州杜侍御

東來珠履與旌旗前者登朝亦一時竹馬迎呼
逢稚子栢臺長告見男兒花飄舞袖樓相倚角
送歸軒客盡隨獨有賤夫懷感激十年兩地負
恩知

山陽韋中丞罷郡因獻

笙歌只是舊笙歌腸斷風流奈別何照物二年
春色在感恩千室淚痕多盡將魂夢隨西去猶
望旌旗暫一過今日樽前無限思萬重雲月隔
煙波

山陽即席獻裴中丞

早年天上見清塵今日樓中醉一春暫肯剖符
臨水石幾曾焚筆動星辰瓊臺雪映迢迢鶴蓬
島波橫浩浩津好是仙家羽衣使欲教垂涕問
何人

西峯即事獻沈大夫

松竹閑遊道路身衣襟落盡往來塵山連謝宅
餘霞在水映一作應琴雞疑作溪舊浪春拂榻從容今有
地酬恩寂寞久無人安知不及屠沽者曾對青
萍淚滿巾

杜陵貽杜牧侍御一作題杜侍御別業

紫陌塵一作煙多不可尋南溪酒熟一披襟山高一作當
晝枕石牀隱一作穩泉落夜窓煙樹深白首尋人嗟
問計青雲無一作何路覓知音唯君懷抱安如一作開於
水他日門墻許醉吟又作長於

下第後上李中丞

落第逢人慟哭初平生志業欲何如鬢毛洒盡
一枝桂淚血滴來千里書谷外風高摧羽翮江
邊春在憶樵漁唯應感激知恩地不待功成死
有餘

浙東贈李副使負外

妙盡戎機佐上台少年清苦自霜臺馬嘶深竹
閑宜貴花拂朱衣美稱才早入半緣分務重晚
吟多是看山迴名高漸少翻飛伴幾度煙霄獨
去來

寄淮南幕中劉負外

郎官何遜最風流愛月憐山不下樓三佐戎旃
換朱紱一辭蘭省見清秋桂生巖石本瀟灑鶴
到煙空更自由休向西齋久閑卧滿朝傾蓋是
依劉

薛廷範從事自宣城至因贈

少年從事霍嫖姚來自楓林渡柳橋金管別筵
樓灼灼玉溪回首馬蕭蕭清風氣調真君輩知
已風流滿聖朝獨有故人愁欲死晚簷踈雨動
空飄

寄潯陽趙校書

簾下秋江夜影空倚樓人在月明中不將行止
問朝列唯脫衣裳與釣翁幾處別巢悲去燕十
年回首送歸鴻那應更結廬山社見說心閑勝
遠公

贈李從貴

白馬嘶風何處還鞭梢拂地看南山珠簾捲盡
不回首春色欲闌休閉關花外鳥歸殘雨暮竹
邊人語夕陽閑知君舊隱嵩雲下巖桂從今幾
更攀

贈陳正字

魯儒今日意何如名掛春官選籍初野艇幾曾
尋水去故山從此與雲踈吟憐受露花陰足行
覺嘶風馬力餘聞說晚心心更靜竹間依舊卧
看書

洞庭寄所思

目斷蘭臺空望歸錦衾香冷夢來稀書中自報
刀頭約天上三看破鏡飛孤浪謾疑紅臉笑輕
雲忽似舞羅衣遙知不語坐相憶寂寞洞房寒
燭微

代人贈杜牧侍御

宣州
會中

郎作東臺御史時妾長西望斂雙眉一從詔下
人皆羨豈料恩衰不自知高闕如天紫曉夢華
筵似水隔秋期坐來情態猶無限更向樓前舞
柘枝

旅館聞鴈別友人

路遶秋塘首獨搔背群燕鴈正呼號故關何處
重相失碧落有雲終自高旅宿去緘他日恨單
飛誰見一作此生勞行衣濕盡千山雪腸斷金籠
好羽毛

泊鳧磯江館

風雪晴來歲欲除，孤舟晚下意何如。月當軒色湖疑為湖平後，鴈斷雲聲夜起初。傍晚管絃何處靜，犯寒楊柳遶津踈。三間茅屋東溪上，歸去生涯竹與書。

春盡獨遊慈恩寺南池

竹外池塘煙雨收，送春無伴亦遲留。秦城馬上半年客，潘鬢水邊今日愁。氣變晚雲紅映闕，風含高樹碧遮樓。杏園花落遊人盡，獨爲圭峯一舉頭。

重遊楚國寺

往事飄然去集作竟，不迴空餘山色在。樓臺池塘風集作春暖，鴈尋去松桂寺集作樹。高人獨來莊叟著書真，達者賈生揮涕信悠哉。老僧心地閑於水，猶被流年日日集作白髮催。

三像寺酬元秘書

官總芸香閣，署蓬可憐。詩句落春風，偶然侍坐水聲裏。還許醉吟松影中，車馬照來紅樹合。煙霞詠盡翠微空，不因高寺閑回首。誰識飄飄一作零一塞翁。

獻淮南李僕射

早年曾謁富民

紀事作人

侯今日難甘失鵠羞新諾似

山無力負舊恩如水滿身流馬嘶紅葉蕭蕭晚
日照長江灩灩秋功德萬重知不惜一言拋得
百生愁

江亭晚望

碧江涼冷鴈來踈閑望江雲思有餘秋館池亭
荷葉歇野人籬落豆花初無愁自得仙翁術多
病能忘太史書聞說故園香稻熟片帆歸去就
鱸魚

贈曹處士幽居

勾漏先生冰玉然曾將八石問群仙中山暫醉
一千日南苑往來三百年碁局不收花滿洞霓
旌欲別浪翻天何須更學鴟夷子頭白江湖一
短船

重陽日示舍弟

時在
吳明

多少鄉心入酒杯野塘今日菊花開新霜何處
鴈初下故園窮秋首正迴漸老向人空感激一
生驅馬傍塵埃侯門無路提攜爾虛共扁舟萬
里來

渭南詩集卷第一

乙卯十一月若校

賦

我為思身歸天何處更學淵
與白玉階
一千日南鼓卦來三百
山晉籍

渭南詩集卷第二

山陽 趙 嘏 承祐

歲暮江軒寄盧端公

積水生高浪長風自北時
萬艘俱擁棹上客獨吟詩
路以重湖阻心將小謝期
渚雲愁正斷江鴈重驚悲
笑憶遊星子歌尋罷貴池
夢來孤島在醉醒百憂隨
戍迴煙生晚江寒鳥過遲
問山樵者對經雨釣船移
敢歎今留滯猶勝曩別離
醉從陶令得善必丈人知
道蹇才何取恩深劍不疑
此身同岸柳只待變寒枝

秋日吳中觀藕一作藕

野艇幾西東，清冷映碧空。
寒衣來水上，捧玉出泥中。
葉亂田田綠，蓮餘片片紅。
激波纔入選，就日已生風。
御潔玲瓏膳，人懷拔擢功。
梯山謾多品，不與世流同。

下第

南溪抱甕客，失意自懷羞。
晚路誰攜手，殘春自白頭。

到家

童稚苦相問，歸來何太遲。
共誰爭歲月，贏得鬢

邊絲

春釀

春釀正風流，梨花莫問愁。
馬卿思一醉，不惜鷓鴣裘。

寒塘

曉髮梳臨水，寒塘坐見秋。
鄉心正鴈度

寄前黃州竇使君

池上笙歌寂，不聞樓中愁。
殺碧虛雲玉壺凝，盡重重淚寄與風流舊使君。

八月二十九日宿懷

秋天旬日菊還香
獨坐書齋思已長
無奈風光易流轉
強須傾酒一盃觴

泗上奉送相公

語堪銘座默含春
西漢公卿絕比倫
今日抱轅留不得
欲揮雙涕學舒人

贈桐鄉丞

舟觸長松岸勢回
潺湲一夜繞亭臺
若教靖節先生見
不肯更吟歸去來

哭李進士

牽馬街中哭送君
靈車輾雪隔城聞
唯有山僧與樵客
共舁孤櫬入幽冥

重陽

節逢重九海門外
家在五湖煙水東
還向秋山覓詩句
伴僧吟一作對菊花風

重陽日即事

病酒堅辭綺席春
菊花空伴水邊身
由來舉止非閑雅
不是龍山落帽人

十無詩寄桂府楊中丞

琴酒曾將風月須
謝公名跡滿江湖
不知貴擁

旌旗後猶暇憐詩愛酒無

東省南宮興不孤幾因詩酒謬招呼一從開署
芙蓉幕曾向風前記得無

遙聞桂水遶城隅城上江山滿畫圖爲問訾家
洲畔月清秋擬許醉狂無

日暮江邊一小儒空憐未有白髭鬚馬融已貴
諸生老猶自容窺絳帳無

一種吟詩號孔徒滄江有客獨踈愚初筵盡辟
知名士許到風前月下無

望斷南雲日已晡便應憑夢過重湖不知自古

登龍者曾有因詩泥得無

早遊門館一樵夫祇愛吟詩傍藥爐旌旆滿江
身不見思言記得賴川無

孔融襟抱稱名儒愛物憐才與世殊今日賓壻
忘姓字當時省記薦雄無

僻愛江山俯坐隅人間不是便爲圖樽前爲問
神仙伴肯向三清慰薦無

膺門不避額逢珠絕境由來卷軸須早忝阿戎
詩友契趨庭曾薦禰生無

寄山僧

雲裏幽僧不置房
椽花藤葉蓋禪床
朝來逢著山中伴
聞說新移最上方

喜張漬及第

九轉丹成最上仙
青天暖日踏雲軒
春風賀喜無言語
排比花枝滿杏園

贈張漬榜頭被駁落

莫向花前泣

紀事作春風送

酒杯謫仙依舊

紀事作真個

是仙才

猶堪與世為祥瑞
曾到蓬山

紀事作

頂上來

悼亡二首

一燭從風到奈何
二年衾枕逐流波
雖知不得

公然淚時泣
闌干恨更多

明月蕭蕭海上風
君歸泉路我飄蓬
門前雖有如花貌
爭奈如花心不同

宮烏曲

宮烏栖處玉樓深
微月生簷夜夜心
香輦不回花自落
春來空佩辟寒金

長信宮

君恩已盡欲何歸
猶有殘香在舞衣
自恨身輕不如燕
春來長遶御簾飛

廣陵城

紅映高臺綠繞城城邊春草傍墻生隋家不向
此中盡汴水應無東去聲

冷日過驪山

冷日微煙渭水愁翠華宮樹不勝秋霓裳一曲
千門鎖白盡梨園弟子頭

下第後歸永樂里自題二首

無地無媒只一身歸來空拂滿床塵尊前盡日
誰相對唯有南山似故人

玄髮侵愁忽似翁暖塵寒袖共東風公卿門戶

不知處立馬

一作

九衢春影中

出試日獨遊曲江

江莎漸映花邊綠樓日自開池上春雙鶴遶空
來又去不知臨水有愁人

題曹娥廟

青娥埋沒此江濱江樹颼颼慘暮雲文字在碑
碑已墮波濤辜負色絲文

題段氏中臺

看山臺下水無塵碧篠前頭水曲春獨坐一樽
風雨夜不知家有早朝人

華州座中獻盧給事

送迎皆到三峯下滿面煙霜滿馬塵自是追攀
認知己青雲不假送迎人

商山道中

英華作度商山

和如春色

一作淨

一作靜如秋五月商山是勝遊當晝

火雲生不得一溪榮

英華作分

作萬重愁

英華作流

贈歙州妓

滌滌橫波思有餘庾樓明月墮雲初揚州寒食
春風寺一作看遍花枝盡不如

贈王明府

五柳逢秋影漸微陶潛戀酒不知歸但存物外

醉鄉在誰向人間問是非

呂校書雨中見訪

竹閣斜溪小檻明惟君來賞見山情馬嘶風雨
又歸去獨聽子規千萬聲

千秋嶺下

知有巖前萬樹桃未逢搖落思空勞年年盛發
無人見三十六溪春水高

歙州道中僕逃

去跳風雨幾奔波曾共辛勤奈若何莫遣窮歸
不知處秋山重疊戍旗多

重陽日寄韋舍人

節過重陽菊委塵江邊病起杖扶身不知此日
龍山會誰是風流落帽人

贈薛勛下第

一擲雖然未得盧驚人不用繞牀呼牢之坐被
青雲逼祇問君能酷似無

宛陵望月寄沈學

一川如畫敬亭東待詔閑遊處處同天竺山前
鏡湖畔何如今日庾樓中

翡翠巖

芙蓉幕裏千場醉翡翠巖前半日閑惆悵晉朝
人不到謝公拋力上東山

發新安後途中寄盧中丞二首

樓上風流庾使君笙歌曾醉此中間目前已是
陵陽路回首叢山滿眼雲

晚樹蕭蕭促織愁風簾似水滿牀秋千山不礙
笙歌月誰伴羊公上夜樓

留題興唐寺

滿水樓臺滿寺山七年今日共躋攀月高對菊
問行客去折芳枝早晚還

廣陵道

鬪雞臺邊花照塵
煬帝陵下水含春
青雲回翅北歸鴈
白首哭途何處人

茅山道中

溪才調樹重重水亂流
馬嘶殘雨晚程秋
門前便是仙山路
目送歸雲才調不得遊

江上與兄別

楚國湘江兩渺瀰
暖川晴鴈背帆飛
人間離別盡堪哭
何況不知何日歸

落第

九陌初晴處處春
不能回避看花塵
由來得喪非吾事
本是釣魚船上人

宛陵館冬青樹英華作漢陰亭樹

碧樹如煙覆晚波
清秋欲盡客重過
故一作家園亦有如煙樹
鴻鴈不來風雨多

贈五老韓尊師

有客齋心事玉晨
對山鬚鬢綠無塵
住山道上年如鶴
應識當時五老人

經汾陽舊宅

門前不改舊山河
破曾輕馬伏波今日獨經

歌舞地古槐踈冷

英華作影

夕陽多

寄盧中丞

葉覆青溪灑灑紅路橫秋色馬嘶風獨攜一榼
郡齋酒吟對青山憶謝公

途中

故園回首鴈初來馬上千愁付一杯惟有新詩
似相識暮山吟處共徘徊

寄裴瀾

綺雲初墮亭亭月錦席惟橫灑灑波宋玉逢秋
正高卧一篇吟盡奈情何

淮南丞相坐贈歌者虞姁

綺筵無處避梁塵虞姁清歌日日新來值渚亭
花欲盡一聲留得滿城春

酬段侍御

蓮花上客思閑閑數首新詩到葦關吟得楚天
風雨齊一條江水兩三山

尋僧二首

臺殿參差日墮塵塢西歸去一庵雲寒泉何處
夜深落聲隔半巖踈葉聞

溪戶無人谷

英華作百

鳥飛石橋橫木掛禪衣看雲日

暮倚松立野水亂鳴僧未歸

發栢梯寺

一泓秋水千竿竹靜得勞生半日身猶有向西
無限地別僧騎馬入紅塵

西江晚泊

英華作江
上晚泊

茫茫藹藹失西東柳浦桑村處處同戍鼓一聲
帆影盡水禽飛起夕陽中

南池

照影池邊多少愁往來重見此塘秋芙蓉苑外
新經雨紅葉相隨何處流

江樓舊感

才調作
感懷

獨上江樓思渺然月光如水水如天同來望
月人何處風景依稀似去年

南園

雨過郊園英華
作原綠尚微落花惆悵滿塵衣芳樽有
酒無人共日暮看山還獨歸

南亭

孤亭影在英華
作出亂花中悵望無人此醉同聽盡暮
鍾猶獨坐水邊襟袖起春風

贈女仙

水思雲情小鳳仙月涵花態語如絃不因金骨
三清客誰識吳州有洞天

宣州送判官

來時健筆佐嫖姚去折槐花度野橋誰見樽前
此惆悵一聲歌盡路迢迢

宿僧院

月滿長空樹滿霜度雲低拂近簷牀林中夜半
一聲磬卧見高僧入道場

尋僧

斜日橫窓起暗塵水邊門戶閉閑春千竿竹裏

花枝動只道無人似有人

經王先生故居

晚波東去海茫茫誰識蓬山不死鄉弄玉已歸
蕭史去碧樓紅樹倚斜陽

送從翁中丞奉使黠戛斯六首

楊雄詞賦舉天聞萬里油幢照塞雲僕射峰西
幾千騎一時迎著漢將軍

旌旗杳杳鴈蕭蕭春盡窮沙雪未消料得堅昆
受宣後始知公主已歸朝

雖言窮北海雲中屬國當時事不同九姓如今

盡臣妾歸期那肯待秋風
牢山望斷絕塵氛
艷艷河西拂地雲
誰見魯儒持漢節
玉關降盡可汗軍
山川險易接
塵秦漢圖來或未真
自此盡知邊塞事
河湟吏欲托何人
秦皇無策建長城
劉氏仍窮北路兵
若遇單于舊牙帳
却應傷歎漢公卿

東亭柳

拂水斜煙一萬條
幾隨春色倚河橋
不知別後誰攀折
猶自風流勝舞腰

僧舍二首

祇言雙鬢未蹉跎
獨奈牛羊送日何
禪客不歸車馬去
晚簷山色爲誰多
溪上禪關水木間
水南山色與僧閑
春風盡日無來客
幽磬一聲高鳥還

新月

玉鈎斜傍畫簷生
雲匣初開一寸明
何事最能悲少婦
夜來依約落邊城

贈皇甫坦

養由弓箭已無功
牢落生涯事事同
相勸一杯

寒食酒幾多辛苦到春風

四祖寺 英華作宿
四祖寺

千株松下雙峯寺一盞燈前萬里身自為心猿
不調伏祖師元是世間人

聽蟬

噪蟬聲亂日初曛絃管樓中永不聞獨 英華
作爭 奈愁

人數莖髮 一作
鬢 故園秋隔五湖雲

寄遠

禁鍾聲盡見棲禽關塞迢迢故國心無限春愁
莫相問落花流水洞房深

池上

正憐佳月夜深坐池上暖回燕鴈聲猶有漁舟
繫江岸故人歸盡獨何情

春日書懷

暖鶯春日舌難窮枕上愁生曉聽中應裏綠窻
殘夢斷杏園零落滿枝風

贈別

水邊秋草暮萋萋欲駐殘陽恨 英華
作去 馬蹄曾是

管絃同醉伴一聲歌盡 英華
作斷 各東西

靈巖寺

館娃宮畔千年寺水闊雲多客到稀聞說春來
更一作位惆悵百花深處一僧歸

代人聽琴二首

抱琴花夜不勝春獨奏相思淚滿巾第五指中
心最恨數聲嗚咽爲何人
湘娥不葬九疑雲楚水連天坐憶君惟有啼鳥
舊名在忍教嗚咽夜長聞

訪沈舍人不遇

溪翁強訪紫微郎曉鼓聲中滿鬢霜知在禁闈
人不見好風飄下九天香

座上獻元相公

寂寞堂前日又曛陽臺去作不歸雲從來聞說
沙叱利今日青娥屬使君

遣興二首

溪花入夏漸稀踈雨氣如秋麥熟初終日苦吟
人不曾海邊兄弟久無書
讀徹殘書弄水回暮天何處笛聲哀花前獨立
無人會依舊去年雙燕來

送李給事

英華作送蕭
俛相公歸山

眼前軒冕是鴻毛天上人間漫自勞脫却朝衣

獨歸去

英華作便東去

青雲不及白雲高

宿僧舍

高僧夜滴芙蓉漏遠客窻含楊柳風何處相逢
話心地月明身在磬聲中

吳門夢故山

心熟家山夢不迷孤峯寒遶一條溪秋窻覺後
情無限月墮館娃宮樹西

別李譜

尊前路映暮塵紅池上琴橫醉席風今日別君
如別鶴聲容長在楚絃中

和杜侍郎題禪智寺南樓

樓畔花枝拂檻紅露天香動滿簾風誰知野寺
遺鈿處盡在相如春思中

發青山

英華有館字

鳧鷖聲暖野塘春鞍馬嘶風一作風高驛路塵一宿青
山又前一作須去古來難得是閑人

寄道者

洞庭先生歸路長海雲望極春茫茫別來幾度
向蓬島自傍瑤臺折靈草

入藍關

微煙已辨秦中樹遠夢更依江上臺看落晚花
還悵望鯉魚時節入關來

落第寄沈詢

穿楊力盡獨無功華髮相期一夜中別到江頭
舊吟處爲將雙淚問春風

送韋中丞

二年恩意是春輝清淨胸襟似者希泣盡楚人
多少淚滿船唯載酒西歸

詠端正樹

一樹繁陰先著名異花奇葉儼天成馬嵬此去

無多地祇合楊妃墓上生

叙事獻同州侍御二首

青雲席中羅襪塵白首江上吟詩人登龍不及
三千士虛度膺門二十春

平生望斷雲層層紫府杳是他人登却應歸訪
溪邊寺說向當時同社僧

尊前誰伴謝公遊蓮岳晴來翠滿樓坐見一方
金變化獨吟紅藥對殘秋

婺州宴上留別

英華作婺州宴
留上蕭員外

雙溪樓影向雲橫歌舞一作轉高臺晚更清獨自下

樓騎瘦馬搖鞭重入亂蟬聲

別牛郎中門館

整襟收淚別朱門自料難酬顧念恩
招得片魂騎匹馬西風斜上入秋原

山中寄盧簡求

竹西池上有花開日日幽吟看又回
心憶郡中蕭記室何時暫別醉鄉來

寄梁侑兄弟

桃李春多翠影重竹樓當月夜無風
荀家兄弟來還去獨倚欄干花露中

同州南亭陪劉侍郎送劉先輩

處處雲隨晚望開洞庭秋水管絃來
謝公待醉消離恨莫惜臨川酒一杯

贈館驛劉巡官

雲別青山馬踏塵負才難覓作閑人
莫言館驛無公事詩酒能消一半春

贈解頭賈嵩

賈生名跡忽無倫十月長安看盡春
顧我先鳴還自笑空沾一第是何人

題僧壁

曉望疎林露滿巾碧山秋寺屬閑人溪頭盡日
看紅葉却笑高僧衣有塵

沙溪館

此題一作仙娥驛前二句作谿上
郵亭氣早秋樹邊溪色遶林流

翠濕衣襟山滿樓竹間溪水遶牀流行人莫羨
郵亭吏生向此中今白頭

李侍御歸炭谷山居同宿華嚴寺

家在青山近玉京白雲紅樹滿歸程相逢一宿
最高寺半夜翠微泉落聲

過噴玉泉

平生半爲山淹留馬上欲去還回頭兩京塵路

一雙鬢不見玉泉千萬秋

漢陰庭

英華
作亭樹

掘溝引水遶蔬圃插竹爲籬護藥苗楊柳如絲
風易亂梅花似雪日難消

送王龜拾遺謝官後歸漣水山居

水邊殘雪照亭臺臺上風襟向雪開還似當時
姓丁鶴羽毛成後一歸來

宿長水主人

白雲溪北叢巖東樹石夜與潺湲通行人一宿
翠微月二十五絃聲滿風

仙娥驛
豁上郎亭氣早秋樹暹淡色晚林流行八生美郵馬東生由
此中今曰頭 此有工高白少語能同

渭南詩集卷第二

校李鈔本異字殊多時雪壓園林才凍脫心至不勝
於筆 卷第十有李元林

風多山嶽蒼冷雪日難散

林葉凋木葉落園林竹為籬
葉葉前林叶收絲

蕙劍風

英華

一併入澤不具王泉千萬林

會昌進士詩集

太學博士 馬 戴 虞臣

春思

初日照楊柳玉樓含翠陰啼春獨鳥思望遠佳
人心幽怨貯瑤瑟韶光凝碧林斯思曾不見芳
草意空深

送從叔赴南海幕

洞庭秋色起哀狄更難聞身往海邊郡帆懸天
際雲炎洲羅翠鳥瘴嶺控蠻軍信息來非易堪
悲此路分

江行留別

吳楚半秋色渡江逢葦花雲侵帆影盡一作落風逼
鴈行斜返英華作夕照開嵐翠寒潮蕩浦沙余將何所
往海嶠擬營家

將別寄友人

帝鄉歸未得辛苦事羈遊別館一罇酒客程千
里秋霜楓紅葉寺夜雨白蘋洲長恐此時淚不
禁和恨流

客行

路岐長不盡客恨杳難通蘆荻晚汀雨柳花南

浦風亂鐘嘶馬急殘日半帆紅却羨漁樵侶閑
歌落照中

過野叟居

野人閑種樹樹老野人前居止白雲內漁樵滄
海邊呼兒採山藥放犢飲溪泉自著養生論無
煩憂暮年

荅光州王使君

信來淮上郡楚岫入秦雲自顧為儒者何由荅
使君蛻風蟬半一作失阻雨鴈頻聞欲識平生分
他特別紀勳

下第再過崔邵陽居

豈無故鄉路路遠未成歸關內相知少海邊來
信稀離雲空石穴芳草偃郊扉謝子一留宿此
心聊息機

夕次淮口

天涯秋光盡木末羣鳥還夜久遊子息月明岐
路閑風生淮水上帆落楚雲間此意竟誰見行
行非故關

落日悵望

孤雲與歸鳥千里片時間念我一何滯辭家久

未還微陽下喬木遠色隱秋山臨水不敢照恐
驚平昔顏

早發故山作

雲門夾峭石石路蔭長松谷響猿相應山深水
復重餐霞人不見一作已往採藥客猶逢獨宿靈潭側
時聞岳頂鐘

下第別郛秩

窮途別故人京洛泣風塵在世即應老他鄉又
欲春平生空志學晚歲一作節拙謀身靜話歸休計
唯將海上親

寄終南真空禪師

閑想白雲外了然清淨僧
松門山半寺夜雨佛
前燈此境可長住浮生自不能
一從林下別瀑
布幾成冰

長安贈賈島

寓居寄
一作長安
贈賈島

歲暮見華髮平生志不空
孤雲不我棄歸隱與
誰同枉道紫宸謁妨栽丹桂叢
何如隨野鹿棲
止石嵒中

秋郊夕望

度鳥向棲急陰蟲逢夜多
餘霞媚秋漢迴月濯

滄波蔓草將萎絕流年其奈何
耿然搖落思獨
酌不成歌

贈越客

故國波濤隔明時已久留獻書
雙闕晚看月五
陵秋南棹何時返長江憶共遊
遙知釣船畔相
望在汀洲

送顧非熊下第歸江南

無成西別秦返駕江南春草際
楚田鴈舟中吳
苑人殘雲掛絕島迴樹入通津
想到長洲日門
前多白蘋

汧上勸舊友

斗酒故人同長歌起北風斜陽高壘閉秋角暮
山空鴈叫寒流上螢飛薄一作淡霧中坐來生一作憂白
髮況復久從戎

送狄參軍赴杭州

新官非次受聖主寵前勳關雪發車晚風濤挂
席聞海門山疊翠湖岸郡藏雲執簡從公後驍
參豈勝君

過故人所遷新居

金馬詔何晚茂陵居近修客來雲雨散鳥下梧

桐秋迴一作迴漢銜天闕遙泉響御溝坐看涼月上
為子一淹留

落照一作賦

照曜天山外飛鴉幾共過微紅拂秋漢片白透
長波影促寒汀薄光殘古木多金霞與雲氣散
漫復相和

宿崔邵池陽別墅

楊柳色已改郊原日復低煙生寒渚英華作樹上霞散
亂山西一作霧薄待月人相對驚風鴈不齊此心
君莫問舊國去將迷

楚江懷古三首

露氣寒光集微陽下楚丘猿啼洞庭樹人在木
蘭舟廣澤生明月蒼山夾亂流雲中君不降一作見
竟夕自悲秋

驚鳥去無際寒蛩鳴我傍蘆洲生早霧蘭隰下
微霜列宿分窮野空流注大荒看山候明月聊
自整雲裝

野風吹蕙帶驟雨滴蘭橈屈宋魂冥冥江山思
寂寥陰霓侵晚一作反景海樹入迴潮欲折寒芳薦
明神詎可招

遠水

蕩漾空沙際虛明入遠天秋光照不極鳥影去
無邊勢引長雲斷波輕一作疑片雪連汀洲杳難到
萬古覆蒼煙

夕發邠寧寄從弟

一作寄舒從事

半酣走馬別別後鎖邊城日落月未上鳥棲人
獨行方馳故國戀復愴長年情入夜不能息何
當閑此生

贈別北客

一本無別字

君生游俠地感激氣何高飲盡玉壺酒贈留金

錯刀鴈關飛霰雪鯨海落雲濤決去如征鳥離
心空自勞

夜下湘中

洞庭人夜別孤棹下湘中露洗寒山徧波搖楚
月空密林飛暗狝廣澤發鳴鴻行值揚帆者江
分又不同

送呂郎中牧東海郡

假道經淮泗檣鳥集隼旟蕪城沙蒺接波島石
林踈海鶴空庭下夷人遠岸居山鄉足一作遺老
佇聽薦賢書

山行偶作

緣危路忽窮投宿值樵翁鳥下山含暝英華蟬鳴
露滴英華空石門斜月入雲竇暗泉通寂寞生幽
思心疑舊隱同

巴江夜猿

日飲巴江水還啼巴岸邊秋聲巫峽英華斷夜影
楚雲連露滴青楓樹山空明月天誰知泊船者
聽此不能眠

送田使君牧蔡州

主意思政一作理牧人官不輕樹多淮右地山遠

汝南城望稼周田隔登樓楚月生懸知蔣亭下
渚鶴伴閑行

雀臺怨

魏宮歌舞地蛛戲鳥還鳴玉座人難到銅臺雨
滴平西陵樹不見漳浦草空生萬恨盡埋此徒
懸千載名

早發故園

語別在中夜登車離故鄉曙鐘寒出岳一作殘月
迴凝霜風柳條多折沙雲氣盡黃行逢海西鴈
零落不成行

贈別江客

湘中有岑穴君去掛帆過露細蒹葭廣潮迴島
嶼多汀洲延夕照楓葉墜寒波應便同漁者生
涯許釣歌

宿翠微寺

處處松陰滿樵開一逕通鳥歸雲壑靜僧語石
樓空積翠含微月遙泉韻細風經行心不厭憶
在故山中

霽後寄白閣僧

蒼翠霾高雪西峯鳥外看久披山衲壞孤坐石

牀寒盥手水泉滴燃燈夜燒殘終期老雲嶠
藥伴中餐

送僧歸金山寺

金陵山一作江色裏蟬急向秋分迴一作寺橫洲島歸

僧度水雲夕陽依岸盡一作落清磬隔潮聞遙想禪

林下鑪香帶一作對月焚

新秋雨霽宿王處士東郊

夕陽逢一雨夜木洗清陰露氣竹窓靜秋光雲
月深煎嘗靈藥味話及故山心一作煎茶靈草
味話友故山心得意
兩不寐微風生玉琴

關山曲

金甲英華耀兜鍪黃金英華拂紫騮叛羌旗下戮

陷壁夜中收霜霰戎衣故英華關河磧氣秋箭瘡

殊未合更遣擊蘭州

火發龍山北中宵易左賢勒兵臨漢水驚鴈散
胡天水落防河急軍孤受敵偏猶聞漢皇怒按
劍待開邊

塞下曲

旌旗倒北風霜霰逐南鴻夜救龍城急朝焚
帳空骨銷金鏃在鬢改玉關中却想羲軒氏無

人尚戰功

廣漠雲凝慘日斜飛霰生燒山搜猛獸伏道擊
迴兵風折旗竿曲沙埋樹杪平黃雲飛旦夕偏
奏苦寒聲

廣陵曲

葱蘢桂樹枝高繫黃金羈葉隱青蛾翠花飄白
玉墀上鳴聞關鳥下醉遊俠兒煬帝國已破此
中都不知

送人遊蜀

別離楊柳陌迢遞蜀門行若聽清猿後應多白

髮生虹蜺侵棧道風雨雜江聲過盡愁人處煙
花是錦城

宿無可上人房

稀逢息心侶細話遠山期河漢秋深夜杉梧露
滴時風傳林磬響月掩草堂遲坐卧禪心在浮
生皆不知

旅次夏州

嘶鴻發相續行次夏王臺鎖郡雲陰暮鳴笳燒
色來霜繁邊上宿鬢改磧中迴悵望胡沙曉驚
蓬朔吹催

同莊秀才宿鎮星觀

的的星河落霑苔復灑松溼光微泛草石翠澹
搖峯野觀雲和月秋城漏聞鐘知君親此境九
陌少相逢

鶴雀樓晴望

堯女樓西望人懷太古時海波通禹鑿一作山木
開虞祠鳥道殘虹掛龍潭返照移行雲如可馭
萬里赴心期

贈淮南將

何事淮南將功高業未成風濤辭海郡雷雨鎮

山營度磧黃雲起防秋白髮生密機曾制敵憂
國更論兵塞色侵旗動寒光鎖甲明自憐心有
作獨立望專城

寄賈島

海上不同來關中俱久住尋思別山日老盡經
行樹志業人未聞時光鳥空度風悲漢苑秋雨
滴秦城暮佩玉與鏘金非親亦非故朱顏枉自
毀明代空相遇歲晏各能歸心知舊岐路

湘川弔舜

伊予生好古弔舜蒼梧聞白日出將沒游波凝

不還九疑雲動影曠野竹成斑鴈集蒹葭渚猿
啼霧露山南風吹早恨瑤瑟怨長閑元化誰能
問天門恨久關

送僧歸閩中舊寺

寺隔海山遙帆前落葉飄斷猿通楚塞鷺鷥出
蘭橈星月禪波島煙蘿渡石橋鐘聲催野飯秋
色落寒潮舊社人多老閑房樹半彫空林容病
士一作者歲晚待相招

寄遠

坐想親愛遠行嗟天地闊積疹甘毀顏沈憂更

銷骨迢迢游子心望望歸雲沒喬木非故里高
樓共明月夜深秋風多聞鴈來天末

經咸陽北原

秦山曾共轉秦雲自舒卷古來爭雄圖到此多
不返野狄穴孤墳農人耕廢苑川長波又逝日
與歲俱晚夜入咸陽中悲吞不能飯

冬日寄洛

英華作河

中楊少尹

黃河岸柳衰城下度流澌年長從公懶天寒入
府遲家山望幾遍魏闕赴何時懷古心誰識應
多謁舜祠

浙江夜宿

落帆人更起露草滿汀洲遠
孤啼荒嶠孤螢漏漫流積陰開
片月爽氣集高秋去去胡為戀
蹇芳時一游

寄西岳白石僧

挂錫中峯樹一作上經行踏石梯
雲房出定後岳月在池西
峭壁殘霞照欹松積雪齊
年年著山屐曾得到招提

同州冬日陪吳常侍閑宴

中天白雲散集客郡齋時
陶性聊飛爵看山忽

罷碁雪花凝始散

英華作霽

木葉脫無遺靜理良

英華作常

多暇招邀愜所思

荅鄜時友同宿見示

為客自堪悲風塵日滿衣
承明無計入舊隱但懷歸
雪積孤城暗燈殘曉角微
相逢喜同宿此地故人稀

題僧禪院

一作題興善寺英律師院

虛室焚香久禪英華作看心悟幾生瀘
泉侵月起掃徑避蟲行
樹隔前朝在苔滋廢渚
平我來風雨夜像設一作照一燈明

懷故山寄賈島

心偶羨明代學詩觀國風自從來闕下未勝在
山中丹桂日應老白雲居久空誰能謝時去聊
與此生同

灞上秋居

灞原風雨定晚見鴈行頻落葉他鄉樹寒燈獨
夜人空園白露滴孤壁野僧鄰寄卧郊扉久何
門致此身

寄崇德里居作

掃君園林地澤我清涼襟高鳥雲路晚孤蟬楊

柳深風微漢宮漏月迴秦城砧光景坐如此徒
懷經濟心

河梁別

河梁送別者行哭半非親此路足征客一作戰天
多殺人金壘照離思文粹寶瑟凝殘春早晚期相
見垂楊彫復新文粹無末二句

留別定襄盧軍事

行行與君別路在鴈門西秋色見邊草軍聲聞
戎輦酣歌擊寶劍躍馬上金堤歸去咸陽里平
生志不迷

送杜秀才東遊

羈遊年復長去日值秋殘草出函關白雲藏野
渡寒鴻多霜雪重山廣道途難心事何人識斗
牛應數看

懷黃頗

有客南浮去平生與我同炎洲結遙思芳杜採
應空秦鴈歸侵月湘猿戲裏楓期君翼明代未
可戀山中

隴上獨望

斜日掛邊樹蕭蕭獨望閒陰雲藏漢壘飛火照

胡山隴首行人絕河源夕鳥還誰爲立勲者可
惜寶刀閑

長安書懷

岐路今如此還堪慟哭頻關中成久客海上老
諸親谷口田應廢鄉山草又春年年銷壯志空
作獻書人

邯鄲驛樓作

蕪沒叢臺久清漳廢御溝蟬鳴河外樹人在驛
西樓雲燒天中赤山當日落秋近郊經戰後處
處骨成丘

別家後次飛狐西即事

遠歸從此別親愛
失天涯去國頻回首
方秋不
在家鳴蛩聞塞路
冷鴈背龍沙西
次桑乾曲洲
中見荻花

題青龍寺鏡公房

一室竟何有
閑門爲我開
爐香寒自滅
履雪飯
初迴窻迴孤山入
燈殘片月來
禪心方此地
不必訪天台

邊城獨望

聊憑危堞望
倍起異鄉情
霜落蒹葭白
山昏霧

露生河灘胡鴈下
戎壘漢輦驚
獨樹殘秋色
狂歌淚滿纓

江亭贈別

長亭晚送君
秋色渡江濱
衰柳風難定
寒濤雪
不分猿聲離楚峽
帆影入湘雲
獨泛扁舟夜
山鐘可卧聞

旅次寄賈島兼簡無可上人

相思邊草長
迴望水連空
鴈過當行次
蟬鳴復
客中壯年看
即改羸病計
多同儻宿林中
寺深憑問遠公

寄剡中友人

故人今在剡秋草意如何嶺暮雲霞雜潮迴島嶼多沃洲僧幾訪天姥客誰過歲晚偏相憶風生隔楚波

送國子韋丞

臨水獨相送歸期千里間雲迴逢過雨路轉入連山一騎行芳草新蟬發故關遙聆茂陵下夜啓竹扉閑

題吳發原南居

閑居誰厭僻門掩漢祠前山色夏雲映樹陰幽

草連晴光分渚曲綠氣冒原田何日遠遊罷高枝已噪蟬

雒中寒夜姚侍御宅懷賈島

夜木動寒色雒陽城闕深如何異鄉思更抱故人心微月關山遠閑堦霜霰侵誰知石門路待與子同尋

征婦歎

稚子在我抱送君登遠道稚子今已行念君上邊城蓬根既無定蓬子焉用生但見請防胡不聞言罷兵及老能得歸少者還長征

山中寄姚合員外

朝與城闕別暮同麋鹿歸鳥鳴松觀靜人過石
橋稀木葉搖山翠泉痕英華作聲入澗扉敢招仙署客
暫此拂朝衣

中秋月

一本有夜字

陰魄出海上望之增苦吟冷搜驪領重寒徹蚌
胎深皓氣籠諸夏清光射萬岑悠然天地內皎
潔一般心

下第寄友人

金門君待問石室我思歸聖主尊黃屋何人薦

白衣年來御溝柳贈別雨霏霏

寄廣州楊參軍

南方春景好念子緩歸心身方脫野服冠未繫
朝簪足恣平生賞無虞外役侵汀洲觀鳥戲向
月和猿吟稅駕楚山廣揚帆湘水深採竒搜石
穴懷勝即楓林悵望極霞際流情墮海陰前期
杳難問歎息灑鳴琴

離夜

二首

東征遼水迴北近單于臺戎衣挂寶劍玉筋銜
金盃紅燭暗將滅翠蛾終不開

凝夜照離色恐聞啼晚鴉前年營鴈塞明月戍
龍沙曾與五陵子休裝孤劔花

荅太原從軍楊貞外送別

一作郎中見寄

君將海月珮贈之光我行見知言不淺懷報意
非輕反照臨岐思中年未達情河梁人送別秋
漢鴈相鳴衰柳搖邊吹寒雲冒占城西遊還獻
賦應許託平生

送從叔重赴海南從事

又從連帥請還作嶺南行窮海何時到孤帆累
月程亂蟬吟暮色哀狄落秋聲晚路潮波起寒

葭霧雨生沙埋銅柱没山簇瘴雲平念此別離
苦其如宗從情

送韓校書江西從事

出關寒色盡雲夢草生新鴈背岳陽雨客行江
上春遙程隨水闊枉路倒帆頻夕照臨孤館朝
霞發廣津湖山潮半隔郡壁岸斜鄰自此鍾陵
道裁書一作相思有故人

送顧少府之永康

婺女星邊去春生即有花寒關雲覆雪古渡草
連沙宿次吳江晚行侵日微斜官傳梅福政縣

顧赤松家燒起明山翠潮迴動海霞清高宜閱
此莫歎近天涯

幽上

一作

留別令狐侍御

一作

自別丘中隱頻年哭路岐辛勤今若是少壯豈
多時露滴陰蟲苦秋聲遠客悲晚營嚴鼓角紅
葉拂旌旗北闕虛延望西林久見思川流寒水
急雲返故山遲落照遊人去長空獨鳥隨不堪
風隔景忠信寡相知

襄陽席上呈于司空

一作元稹詩題作襄陽
為虛實紀事

花枝臨水復臨堤也照清江也照泥寄語東君

好擡舉夜來曾伴鳳皇棲

宿裴氏谿居懷厲玄先輩

樹下孤石坐草間微有霜同人不同北雲鳥自
南翔迢遞夜山色清冷泉月光西風耿離抱江
海遙相望

集宿姚殿中宅期僧無可不至

殿中日

一作殿
內臣

相命開樽話舊時餘鐘催鳥絕積

雪阻僧期林靜寒光

一作
聲

遠天陰曙色遲今夕復

何夕人

去難追

一作鳴佩
出難隨

宿賈島原居

一作尋賈島
原東居

寒鴈過原急渚邊秋色深煙霞向海島風雨宿
園林俱住明時願同懷故國心一作共許貧交
久猶嫌外事侵未能
先隱跡一作聊一作
去開此一相尋

贈別空公

雲門秋却入微徑久無人後夜中峯月空林百
衲身寂寥寒磬盡盟漱瀑泉新履跡誰相見一作
重見
松風埽石塵

府試觀開元皇帝東封圖

儼若翠華舉登封圖乍開冕旒明主立冠劍侍
臣陪跡類飛仙去光同拜日來粉痕疑檢玉黛

色訝生苔挂壁雲將起陵風仗若迴何年復東
幸魯叟望悠哉

府試水始冰

南池寒色動北陸歲陰生薄薄流澌聚漘漘一作
微微
翠澗平暗霑霜稍厚迴照日還輕乳竇懸殘滴
湘流減恨聲即堪金井貯會映玉壺清潔白心
雖識空期飲此明

邊館逢賀秀才

貧病無踈我與君不知何事久離羣鹿裘共弊
同為客龍闕將移擬獻文空館夕陽鴉繞樹荒

城寒色鴈和雲不堪吟斷邊笳曉葉落東西客
又分

宿王屋天壇

星斗半沈蒼翠色紅霞遠照海濤分折松曉拂
天壇雪投簡寒窺玉洞雲絕頂醮迴人不見深
林磬度鳥應聞未知誰與傳金籙獨向仙祠拜
老君

岐陽逢曲陽故人話舊

異地還相見平生分可知壯年俱欲暮往事盡
堪悲道路頻艱阻親朋久別離解兵逃白刃謁

帝值明時淹疾生涯故因官事一作世業移雞鳴關
月落鴈度朔風吹客淚翻岐下鄉心落海湄積
愁何計遣滿酌浣相思

贈禪僧

弟子人天徧童年在沃洲開禪山木長浣衲海
沙秋振錫搖汀月持瓶接瀑流赤城何日上鄙
願從師遊一作常多白雲興

題廬山寺

白茅爲屋宇編荆數處堦墀石疊成東谷笑言
西谷響下方雲雨上方晴鼠驚樵客緣蒼壁猿

戲山頭撼紫煙別有一條投澗水竹筒斜引入
茶鐺

題石甕寺

僧室並皇宮雲門輦路同渭分雙闕北山迴五
陵東修綆懸林表深泉汲洞中人煙窺垤蟻鴛
瓦拂冥鴻蘚壁松生峭龕燈月照空稀逢息心
侶獨禮竺乾公

謁僊觀

我生求羽化齋沐造仙一作山居葛蔓没一作汲丹井石
函盛一作開道書寒松多偃側靈洞徧清虛一就泉

西飲雲中採藥蔬

山空蕙氣香乳管折雲房願值壺中客親傳肘
後方三更禮星斗寸匕服丹霜默坐樹陰下仙
經橫石牀

送朴山人歸新羅

一作海車

浩渺行無極揚帆但信風雲山過海半鄉樹入
舟中波定遙天出沙平遠岸窮離心寄何處目
斷曙霞東

題靜住寺欽用上人房

寺近朝天路多聞玉珮音鑿人開慧眼歸鳥息

禪心磬接星河曙
窓連夏木深
此中能宴坐
何必在雲林

贈楊先輩

平生閑放久
野鹿許爲羣
居止鄰西岳
軒窓度白雲
齋心飯松子
話道接茅君
漢主思清淨
休書諫獵文

酬李景章先輩

平生詩句忝多同
不得陪君奉至公
金鎬自宜先中鵠
鉛刀甘且學
雕蟲罵啼細柳
臨關路
鶯接飛花遶漢宮
九陌芳菲人競賞
此時心在別

離中

贈祠部令狐郎中

官初執憲稱雄才
省轉爲郎雅望催
待制松陰移玉殿
分宵露氣靜天臺
筭碁默向孤雲坐
隨鶴閑窮片水迴
忽憶十年相識日
小儒新自海邊來

送冊東夷王使

越海傳金冊
華夷禮命行
片帆秋色動
萬里信潮生日映
孤舟出沙連
絕島明翳空
翻大鳥飛雪灑一作噴
長鯨蒼鬚迴
應改遐荒夢
易驚何當理

風檝天外問來程

送武陵王將軍

河外今無事將軍有戰名艱難長劔缺功業少
年成曉仗親雲陸寒霄突禁營朱旗身外色玉
漏耳邊聲開閣談賓至調弓過鴈驚爲儒多不
達見學請長纓

贈鄆縣尉李先輩

二首

同人家鄆杜相見罷官時野坐苔生石荒居菊
入籬聽蟬臨水久送鶴背山遲未擬還城闕溪
僧別有期

休官不到闕求靜匪營他種藥唯愁晚看雲肯
厭多渚邊逢鷺下林表伴僧過閑檢仙方試松
花酒自和

鮑防真外見尋因書情呈贈

少小爲儒不自強如今懶復見侯王攬鏡已知
身漸老買山將作計偏長荒涼鳥獸同三徑撩
亂琴書共一牀猶有郎官來問疾時人莫道我
佯狂

邊將

玉榼酒頻傾論功笑李陵紅韁跑駿馬金鍔掣

秋鷹塞迴連天雪河深徹底冰誰言提一劍勤
苦事中興

下第別令狐負外

論文期雨夜飲酒及芳晨坐歎百花發潛驚雙
鬢新舊交多得路別業遠仍貧便欲辭知己歸
耕海上春

送春坊董正字浙右歸覲

去覲一作毗陵日秋殘建業中莎垂石城古山閣
海門空灌木寒檣遠一作層波皓月同何當復讎
校春集少陽宮

送和北虜使

路始陰山北迢迢雨雪天長城人過少砂磧馬
難前日入流沙際陰生瀚海邊刀鏗向月動旌
纛冒霜懸逐獸孤圍合交兵一箭傳穹廬移斥
候一作冒頓烽火絕祁連漢將行持節胡兒坐控弦明
妃的迴面南送使臣旋

攄情留別并州從事

淺學長自鄙謬承賢達知才希漢主召玉任楚
人疑年長慙漂泊恩深惜別離秋光獨鳥逝暝
色一蟬悲鶴髮生何速龍門上苦遲彫蟲羞朗

鑒于祿貴明時故國誠難返青雲致未期空將
感激淚一灑臨岐

酬田卿送西游

華堂開翠簾惜別玉壺深客去當煩暑蟬鳴復
此心廢城喬木在古道濁河侵莫慮西游遠西
關絕隴陰

雪中送青州薛評事

臘景不可犯從戎難自由憐君急王事走馬赴
邊州岳雪明日觀海雲冒營丘慙無斗酒瀉敢
望御重裘

哭京兆龐尹

神州喪賢尹父老泣關中未盡羣生願纔留及
物功清光沈皎月素業振遺風履跡莓一作蒼苔掩
珂聲紫陌空從來受知者會葬漢陵東

路傍樹

古樹何人種清陰減昔時莓苔根半露風雨一作雪
節偏危蟲蠹心將穴蟬催葉向衰樵童不須翦
聊起邵公思

送客南遊

擬卜何山隱高秋指岳陽草乾雲夢色橘熟洞

庭香踈雨殘虹影回雲背鳥行靈均如可問一
為哭清湘

寄襄陽王公子

君馬勒金羈君家貯玉笄白雲登峴首碧樹醉
銅鞮澤廣荊州北山多漢水西鹿門知不隱芳
草自萋萋

集宿姚侍御宅懷永樂宰殷侍御

石田虞芮接種樹白雲陰穴閉神踪古河流禹
鑿深樵人應滿郭仙鳥幾巢林此會偏相詔曾
供一作同雪夜吟

易水懷古

荆卿西去不復返易水東流無盡期落日蕭條
薊城北黃沙白草任風吹

送僧二首

親在平陽憶久歸洪河雨漲出關遲獨過舊寺
人稀識一二杉松老別時
龕中破衲自持行樹下禪牀坐一生來往白雲
知歲久滿山猿鳥曾經聲

贈友人邊遊回

遊子新從絕塞回自言曾上李陵臺尊前語盡

北風起秋色蕭條胡鴈來

山中作

屐齒無泥竹策輕莓苔梯滑夜難行獨開石室
松門裏月照前山空水聲

出塞詞

金帶連環束戰袍馬頭衝雪度臨洮卷旗夜劫
單于帳亂斫胡兒缺寶刀

寄雲臺觀田秀才

雪壓松枝拂石窻幽人獨坐鶴成雙晚來漱齒
敲冰渚閑讀仙書倚翠幢

邊上送楊侍御鞫獄回

獄成冤雪晚雲開豸角威清塞鴈回飛將送迎
遙避馬離亭不敢勸金杯

射鵬騎

蕃面將軍著鼠裘酣歌衝雪在邊州獵過黑山
猶走馬寒鵬射落不回頭

高司馬移竹

叢居堂下幸君移翠掩燈窻露葉垂莫羨孤生
在山者無人看著拂雲枝

贈前蔚州崔使君

戰回脫劔縮銅魚塞鴈迎風避隼旗欲識前時
為郡政按成上下考新書

秋思二首

萬木秋霖後孤山夕照餘田園無歲計寒近憶
樵漁

亭樹霜霰滿野塘鳧鳥多蕙蘭不可折楚老徒
悲歌

黃神谷紀事

霹靂振秋岳折松橫洞門雲龍忽變化但覺玉
潭昏

過亡友墓

憶昨送君葬今看墳樹高尋思後期者只是益
生勞

聞瀑布冰折

萬仞冰峭折寒聲投白雲光搖山月墮我向石
牀聞

贈道者

深居白雲穴靜注赤松經往往龍潭上焚香禮
斗星

華下逢楊侍御

巨靈掌上月玉女盆中泉柱史息車看孤雲心
浩然

新春聞赦

龍陽作

道在猜讒息仁深疾苦除堯聰能下聽湯網本
來踈

送李侍御福建從事

晉安來越國蔓草故宮迷釣渚龍應在琴臺鶴
亂棲泛濤明月廣邊海衆山齊賓府通蘭棹蠻
僧接石梯片雲和瘴溼孤嶼映帆低上客多詩
興秋猿足夜啼

酬刑部姚郎中

路岐人不見尚得記心中月憶瀟湘渚春生蘭
杜叢鳥啼花半落人散爵方空所贈誠難荅冷
然一雅風

送柳秀才往連州看弟

離人非逆旅有弟謫連州楚雨霑猿暮湘雲拂
鴈秋蒹葭行廣澤星月棹寒流何處江關鎖風
濤阻客愁

晚眺有懷

點點抱離念曠懷成怨歌高臺試延望落照在

寒波此地芳草歇舊山喬木多悠然暮天際但見鳥相過

山中興作

高高丹桂枝娟娟女蘿衣密葉浮雲幽陰暮
鳥歸月和峯翠動花落瀑泉飛欲翦蘭為佩中
林露未晞

送皇甫協律淮南從事

辟書丞相草招作廣陵行隋柳踈淮岸汀洲接
海城楚檣經兩泊煙月隔潮生誰與同樽俎雞
鸞集虎營

別靈武令狐校書

北風吹別思落月渡關河樹隱流沙短山平近
塞多鴈池戎馬飲鷗帳戎人過莫慮行軍苦華
夷道正和

田氏南樓對月

主人同露坐明月在高臺咽咽陰蟲叫蕭蕭寒
鴈來影搖踈木落魄魄轉曙鐘開幸免丹霞映清
光溢酒盃

送宗密上人

門前九陌塵石上定中身近放遼天鶴曾為南

岳人臘高松葉換雪盡茗芽新一自傳香後名

山願卜鄰

白鹿原晚望

漣曲鴈飛下秦原人葬回丘墳與城闕草樹共
塵埃

失意書懷呈知己

直道何由啓聖君非才誰敢議論文心存黃籙
兼丹訣家憶青山與白雲麋鹿幽棲閑可近鴛
鸞高舉勢宜分微生不學劉琨輩劒刃相交擬
立勲

春日尋漣川王處士

碧草徑微斷白雲扉晚開罷琴松韻發鑿水月
光來宿鳥排花動樵童澆竹迴與君同露坐澗
石拂青苔

校獵曲

楚子暇郊野布罟籠天涯浮雲張作羅萬草結成軍
在絕飛鳥臂弓腰鎮鄧遠將射句踐次欲誅夫差壯志一
會書進士諫集當持能獵督保國兼保家

蠶家

領得膏珠錢還歸銅柱邊看兒調小象打鼓放新船醉
後眠神樹耕時語瘴煙又逢衰寒老相問莫知年

此詩鈔本列卷首

水滸青苔

炎不寄鳥掛并爐熱童夷竹區與哉同露坐階
草密燭白雲華外開罽琴冰道發壘木月
春日吳越山王坡士

會昌進士詩集補遺

宿陽臺觀

玉洞仙何在爐香客獨熏醮壇圍古木石磬響
寒雲曙月孤霞映懸流峭壁分心知世上一作人世隔
坐與鶴為羣

寄金州姚使君負外

老懷清淨化乞去守洵陽廢井人應滿空林虎
自藏迸泉踈石穴殘雨發椒香山缺通巴峽江
流帶楚檣憂農生野思禱廟結雲裝覆局松移
影聽琴月墮光鳥鳴開郡印僧去置禪牀罷貢

金休鑿凌寒筍更長退公披鶴氅高步隔鷓行
相見朱門內麾幢拂曙霜

已上見文苑英華

早秋宿崔業居處

從來席不暖為爾便淹留雞黍今相會雲山昔
共遊上簾宜晚景卧簟覺新秋身事何須問予
心正四愁

邪溪書懷寄劉長卿員外

此詩或作秦系

時人多笑樂幽棲晚起閑行獨杖藜雲色卷舒
前後嶺藥苗新舊兩三畦偶逢野果將呼子屢
折荆釵亦為妻擬共釣竿長往復嚴陵灘上勝

邪溪

閑居覽史

長策曾中不復論荷衣藍縷閉柴門當時漢祖
無三傑爭得咸陽與子孫

題鏡湖野老所居

湖裏尋君去樵風往返吹樹喧巢鳥出路細葑
田移漚苧成魚網枯根是酒卮老年唯自適生
事任羣兒

徐侍郎素未相識時攜酒命饌兼命諸

詩客同訪會稽山居

忽道仙翁至幽人學拜迎華簪窺甕牖珍味代
藜羹洗硯魚仍戲移樽鳥不驚蘭亭攀敘却會
此越中營

山中枉張宙真外書期訪衡門

當恨相知晚朝來枉數行卧雲驚聖代拂石俟
仙郎時果連枝熟春醪滿甕香貧家仍有趣山
色與湖光

山中枉皇甫温大夫見招書

十年木屐步苔痕石上松間水自喧三辟草堂
仍被褐數行書札忽臨門卧多共息嵇康病才

劣虛同郭隗尊亞相已能憐老倒山花笑處莫
啼猿

秋日送僧志幽歸山寺

禪室繩牀在翠微松間荷笠一僧歸磬聲寂歷
宜秋夜手冷燈前自衲衣

送王道士

真人俄整舄雙鶴屢飛翔恐入壺中住須傳肘
後方霓裳雲氣潤石徑木苗香一去何時見仙
家日月長

期王鍊師不至

黃精蒸罷洗瓊杯
林下從留石上苔
昨日圍碁未終局
多乘白鶴下山來

題石室山王宁所居

罷官學道

白雲知所好
柏葉幸加餐
石鏡妻將照
仙書我借看
鳥來翻藥碗
猿飲怕魚竿
借問巖前樹
何枝曾掛冠

秋日過僧惟則故院

衰草經行處
微燈舊道場
門人失譚柄
野鳥上禪牀
科斗書空古
梅檀鉢自香
今朝數行淚
却灑約公房

題女道士居

不餌芝朮四十餘年

不餌住雲溪
休丹罷藥畦
杏花虛結子
石髓成泥埽
地青羊卧
栽松白鶴棲
共知仙女麗
莫是阮郎妻

已上見唐詩類苑

洪憲元年正月初四日按李鈔本記 增湘

鈔本校此刻少詩十四首其按獵曲變家二首又刻本所無錄之左方

限女道士

手問... 映山女... 莫... 十... 十...

喻鳧詩集

書懷

祇是守琴書僧中獨寓居心唯務一作慕鶴靜分合
與名踈暮雨啼蜚次涼風落木初家山太湖淥
歸去復何如

一公房

幽深誰掩關清靜自多閑一雨收衆木孤雲生
遠山花萎綠苔上鴿乳翠樓間嵐靄燃香夕容
聽半偈還

晚次臨涇

路入犬羊群城寒雉堞曛居人祇尚武過客漫
投文馬怯奔渾水鵬沈莽蒼雲沙田積蒿艾竟
日一作夕見燒焚

王母祠前寫望

雲霞千古事桃李舊花顏芳信沈青鳥空祠掩
暮山香傳一座暗柳匝萬家閑那復傷神所河
昏落日間

遊暖泉精舍

塢木殿前空山河澤國同鳥閑沙影上泉落樹
陰中纜舸蒲花水縈幡柳絮風翛然方寸地何

事更悲蓬

懷鄉

秋風江上家釣艇泊蘆花斷一作古岸綠楊蔭踈籬
紅槿遮罍鳴積雨窟鶴步夕陽沙抱疾僧窻夜
歸心過月斜

岫英華作隱禪師南溪蘭若

錫影配瓶光孤溪英華作修心照草堂水懸青石磴鍾動
白雲床樹色含殘雨河流帶夕陽唯應無月夜
暝目見他方

龍翔寺寄李頻

鍾聲南北寺不道往來遙人事因循過時光荏
苒銷懸燈灑砌雨上閣繞雲鷗即是洲中柳嘶
蟬急暮條

送武毅

英華作毅

之邠寧

戍路少人蹤邊煙淡復濃詩寧寫別恨酒不上
離容燕拂沙河柳鷗高石窟鍾悠然一睽阻山

壘

一作雲塵重

夏日題岫禪師房

朝朝聲磬罷童子掃藤陰花過少游客日長無
事心迴山閉院直落水下橋深安得開方便容

身老此林

夏日因懷陽羨舊游寄裴書記

落日太湖西波涵萬象低藕花薰浦淑菱蔓匿
鳧鷖鳥樹及長橋盡灘迴七里迷還應坐籌下時
一夢荆溪

呈薛博士

辛勤長在學一室少曾開時憶暮山寺獨登衰
草臺名期五字立跡愧九年來此意今聊寫還
希君子哀

即事

抱杖立溪口迎秋看塞門連山互蒼翠二水各
清渾笛發孤煙戍鷗歸夕照村萋萋芳草色終
是憶一作思王孫

龍翔寺閣夜懷渭南張少府

春城帶病別秋寒見除書況是神仙吏仍非塵
土居河風吹鳥迴嶽雨滴桐踈坐閣馳思夕沙
東涼月虛

夏日龍翔寺居即事寄崔侍御

古刹一幡斜吹門水過沙數聲鍾裏飯雙影樹
閒茶落日窮荒雨微風古漸堞花一作沙何當戴豸客

復此問生涯

龍翔寺居喜胡權見訪因宿

林棲無異歡煮茗就花欄雀啁北岡曉僧開西
閣寒衝橋二水急叩月一鍾殘明發還分手徒
悲行路難

宿石窟寺

一刹古岡南孤鍾撼夕嵐客閑明月閣僧閉白
雲菴野鶴立枯枿天龍吟淨潭因知不生理冷
自此中探

夏日龍翔寺即事寄張侍御

沙西林杪寺殿倚石稜開曉月僧汲井殘陽鍾
殷臺河衝綠野去鳥背白雲來日夕唯增思京
關未想迴

秋日將歸長安留別王尚書

朔漠正秋霖西風傳夕砧滄洲未歸跡華髮受
恩心露色岡沙一作莎冷蟬聲塢木深清晨鈇鉞內
只獻白雲吟

龍翔寺言懷

眠雲喜道存讀易過朝昏喬木青連郭長河白
瀉門鍾沉殘月塢鳥去夕陽村搜此成閑句期

逢作者論

絕句

一作憶

銀地無塵金菊開紫梨紅棗墮莓苔一泓秋水
一輪月今夜故人來不來

龍翔寺居夏日寄獻王尚書

那期高旆下得遇重臣知泉石容居止風沙免
路岐河兼落下望句入大荒思無復愁煩暑迴
山閣危

題弘濟寺不出院僧

楚鞋應此世祇遶砌苔休色相栽花視身心坐

石修聲寒通竹院城黑見烽樓欲取閑雲並閑
雲有去留

寄劉錄事

城西青島寺累夏漱寒泉今在提綱取應難掃
石眠風沙榆塞迴波浪橘洲偏重整瀟湘棹心
期更幾年

酬王檀見寄

馳心棲杳冥何物比清冷夜月照巫峽秋風吹
洞庭酬難塵鬢皓坐久壁燈青竟晚蒼山咏喬
枝有鶴聽

寺居秋日對雨有懷

脩脩復霞霞黃葉此時飛隱几客吟斷鄰房僧
話稀鴿寒棲樹定螢濕墮窻微即事瀟湘渚漁
翁披草衣

荅劉錄事夜月懷湘西友人見寄

相逢仍朔漠相聞即波濤江思葦花折笛聲關
邊一作月高簿書君閱倦章句我吟勞竟夕空凭閣
長河滌石壕

早秋寺居酬張侍御六韻見寄

六十上清冥曉緘東越藤山光紫衣陟寺影白

雲凝濕葉起寒鳥深林驚古僧微風窸靜展細
雨閣吟登清韻嶽聲遠佳音湖水澄却思前所
獻何以豸冠稱

上高侍御

舊隱白雲峯生涯落葉同關河一棹旅楊柳十
東風跡處龍鍾內聲居汨沒中酬恩若有地寧
敢恤上殺微躬止殺

冬日寄友人

空爲梁甫吟誰竟是知音風雪坐閑夜鄉園來
舊心滄江孤棹迴落日一鍾深君子久忘我此

誠甘自沈

冬夜宿余正字靜恭里閑居

每來多便宿不負白雲言古木朔風動寒城踈
雪翻微燈懸刻漏舊夢返湘沅先是琴邊起知
爲閣務繁

得子姪書

遠書來阮巷闕下見江東不得經史力枉拋耕
稼功雁天霞脚雨漁夜葦條風無復琴杯興開
懷向爾同

獻知己

亦忝受恩身當殊投刺新竟蒙分玉石終不離
埃塵大谷非無暖幽枝自未春昏昏過朝夕應
念苦吟人

補遺

和段學士南亭春日對雨

晨飛晚未休蘭閣客吟愁蕭颯柳邊掛縈紆花
底流聲繁乍雜籟洒急不成漚經夕江湖思煙
波一釣舟

和段學士對雪

盈尺知豐歲開窓對一作酒壺飄當大野匝洒到

急流無密際西風盡凝間朔氣扶乾摧烏栖枿
冷射夜殘爐替月澄斜漢兼沙攪北湖慙於郢
客坐一此調巴歛已上見文苑英華

賦得春雨如膏

冪冪冪歛輕塵濛濛濕野春細光添柳重幽點賤
花勻慘淡游絲景陰沉落絮辰迴低飛蝶翅寒
滴語禽身洒岳摧餘雪吹江疊遠蘋東城與西
一作南陌晴後趣何新

元日即事

斂板賀交親稱觴詎有巡年光悲擲舊景色喜

呈新水柳煙中重山梅雪後真不知將白髮何
以度青春

監試夜雨滴空堦

霎霎復淒淒飄松又洒槐氣濛蛛網檻聲疊薛
花堦古壁青燈動深庭濕葉埋徐垂舊鴛瓦競
歷小茅齋冷與陰蟲間清將玉漏諧病身唯展
轉誰見此時懷

玄都觀李尊師

蘇幘翠髯公一作微翁存思古觀空曉壇檉葉露晴圃

柳花一作杏花
又作木苗風壽已將椿並棊難見局終何當與

高鶴飛去海光中

遊山北一作北山寺

煙岡影畔寺遊步此時孤庭靜衆藥在鶴閑雙
檜枯藍峯露路秋院灞水入春厨便可棲心跡如
何返舊途

冬日題無可上人院

入戶道心生茶閑踏葉行瀉風瓶水澁承雪鶴
巢傾閣北長河氣窻東一檜聲詩言與禪味語
默此皆清

遊雲際寺

澗壑吼風雷香門一作禪關絕頂開閣寒僧不下鍾定
虎常一作長來鳥啄林梢果鼯跳竹裏苔心源無一
事塵界擬休回

題翠微寺

沿溪又涉嶺始喜入一作到前軒鍾度鳥沉壑殿扃
雲濕幡涼泉墮衆石古木徹踈猿月上僧堦近
一作初定斯遊豈易言

送賈島往金州謁姚員外

山光與水色獨往此中深溪瀝椒花氣巖盤漆
葉陰瀟湘終共去巫峽羨先尋幾夕江樓月玄

暉伴靜吟

送友人罷舉歸蜀

憔悴滿衣塵風光豈屬身賣琴紅粟貴看鏡白
髭新棧畔誰高步巴邊自問津悽然一作恹恹莫滴血
杜宇正哀春

送衛尉之延陵

草木正花時交親觸雨辭一官之任遠盡室出
城遲乳滴茅君洞鴉鳴一作啼季子祠想知佐理暇
日有詠懷詩

送越州高錄事

官曹權紀綱行李半舟航浦淑潮來廣川原鳥
去長筍成稽嶺岸蓮發鏡湖香澤國還之任鱸
魚浪得嘗

送潘咸

時時齋破囊訪我息閑坊煮雪問茶味當風看
鴈行心齊山鹿逸句敵柳花狂堅苦今如此前
程豈渺茫

送友人下第歸寧

紫閣雪未盡杏園花亦寒灞西辭舊友楚外憶
新安細雨猿啼柝微陽鷺起灘旋應赴秋貢詎

得久承歡

廣德官舍二松

楊公休簿領二木日堅牢直甚彰吾節清終庇
爾曹幽陰月裏細冷樹雪中高誰見干霄後枝
飄白鶴毛

浴馬

解控復收鞭一作鞍長津動細連空蹄沈綠玉闊臆
浸一作沒連錢沫漩橋聲下嘶盤柳影邊常聞稟龍
性固與白波便

贈李商隱

羽翼恣搏扶山河使筆驅月踈吟夜桂龍失詠
春珠草細盤金勒花繁倒玉壺徒嗟好章句無
力致前途

已上見唐詩類苑

喻鳧詩集

季滄葦鈔本合喻坦之為一集然端臨通考羽人

各有集英華亦載不得以唐詩品彙為據也茲

校仍將坦之詩剔除計補詩十首錄以別紙

洪憲元年正月一日校竟日記增附

喻鳧詩補遺

送石貢歸吳興

同志幸同年高堂君獨還齊榮恩未報共隱事
皆閒訪寺臨河岸開樓見海山洛中推二陸莫
以戀鄉閔

送友人南中訪舊知

春盡大方遊思君便白頭地蒸川有毒天暖樹
無秋水急三巴險猿分五嶺愁為緣知己分南
國必淹留

贈空禪師

羽翼恣搏扶山河使筆驅月踈吟夜桂龍失詠
春珠草細盤金勒花繁倒玉壺徒嗟好章句無
力致前途

已上見唐詩類苑

喻鳧詩集

季滄葦鈔本合喻坦之為一集然端臨通考兩人
各有集英華六分載不得以唐詩品彙為據也茲
校仍將坦之詩剔除計補詩十首錄於別紙
洪憲元年正月二日校竟日記增補

喻鳧詩補遺

送石賁歸吳興

同志幸同年高堂君獨還齊榮恩未報共隱事
皆閒訪寺臨河岸開樓見海山洛中推二陸莫
以戀鄉關

送友人南中訪舊知

春盡大方遊思君便白頭地蒸川有毒天暖樹
無秋水急三巴險猿分五嶺愁為緣知己分南
國必淹留

贈空禪師

虎見修行久松知夏臘高寒堂坐風雨瞑目
波濤

西山寒日逢帝侍御

獬豸霜中貌龍鍾病後顏
慘傷此身事風雪動

江山

題禪院

無花地亦香有鶴松多直
向此奚必孤山僧盡
相識

感遇

江鄉十年別京國累日同在容
容一作幾多事俱

付酒杯中

晚思

鶴下紫閣雲沈沈翠微雨
獨坐正無言孤莊一
教杵

驚秋

鶯轉繞間閑蟬鳴旋蕭
騷一作屑如何兩鬢毛不
作千枝雪

經劉校書墓

遠冢松田曲渚風一官間
是校書終霜情月思
今何在零落人間策子中

蔣處士宅喜閒公至

絕杯夏別螺江渡單鉢春過處士齋嘗茗議空
經夜半照花明月影侵塔

